

清·方略館 編

清代 方略 全書

北京圖書館出版社



欽定剿捕臨清逆匪紀略卷之十

四庫全書

癸未

舒赫德奏言臣前奏賊匪畏懼官兵有一二千人豫行逃竄一節係臣等初至臨清傳聞之說現今訊問獲犯據供二十三日賊人知官兵兩路進攻因于舊城外東面派人五六百抵禦經官兵殺退回城又城北塔灣一帶賊豫派人于

餘在彼迎拒。臣舒赫德所帶之兵。此項派出之人。並未回城等語。是賊匪一二千豫竄之說。原屬風聞。今按賊所供。則所謂豫逃各賊。卽係塔灣迎拒之衆。經春寧音濟圖先後殺死五六百人外。楊景素在西岸截擒百餘人。并合鄉民解送三百餘人。此時陸續擒獻者。尚在未止。但亦難保無漏網之賊。現在各處鄉民。執賊解送。臣

等已傳諭四鄉。加緊查拏。邀賞。又查舊城外塔灣一帶。爲賊匪佔住安營。二十三日。經音濟圖擊殺之後。尚有餘匪盤踞未淨。拉旺多爾濟。于二十四日。言欲帶兵往捕。並于附近村莊巡剿。殺賊五人。臣舒赫德。彼時以拉旺多爾濟。不過于就近巡捕。並非迎賊打仗。且離營不過數里。是以未令阿思哈同往。至賊匪車輛。原以裝載。

家口輜重。後從杏園搬入舊城。卽用以堵塞各巷口。并有安放一處者。酌計大小車輛。實有數百之多。經官兵放火焚燒後。輪轅破折。悉皆殘燬不全。縱橫滿地。因非要務。尚未辦及。再查王倫並未充當馬兵。現詢之兗州府知府福森布。據稱並無其事。卽訊之現獲各犯。亦未有王倫曾充馬兵之供。所言自屬確實。至朱兆龍名目。

再四詰訊賊營各犯。亦稱實無其人。且僉供逆
首確係王倫。其爲王倫自知罪重。希圖捏名混
脫。實無疑義。又惟一格圖肯所帶滿漢各兵。敢
于臨陣奔逸。自應嚴行緝拏。將首先倡逃者。卽
行正法。以示懲儆。臣等現俟搜勦事畢。卽行查
辦。再德州滿兵中。有新城一犯脫逃。經故城縣
具報拏獲。臣令解送德州監禁。事竣後。提訊辦

理并將未知下落滿漢各兵一體嚴查不敢稍有姑息再查音濟圖擒縛王倫時持械出拒之賊係被前鋒藍翎長哲森保射殺又有一賊挺槍來刺復被前鋒珠爾杭阿射斃理合附摺奏聞奏入。

上諭內閣曰前鋒藍翎長哲森保前鋒珠爾杭阿俱屬奮勉著加恩交與該處遇有應陞之缺卽行陞

用。

上命軍機大臣傳諭舒赫德阿思哈楊景素曰。閱舒
赫德等奏到孟燦供單。內稱二十八日子時。閻吉
仁同梵偉等帶領七八十人。去攻壽張。有入道之
壽張衙役劉煥帶領二十個人。爬城進內。開門放
進衆人等語。劉煥身充縣役。乃敢引賊爬城。戕官
害民。甚爲可惡。斷不可令其漏網。著舒赫德查已

獲衆犯內有無此人。如尚未就獲。卽嚴密查拏到案。訊取確供。立卽凌遲示衆。又供有王倫將吳清林李忠放爲元帥領兵之語。吳清林已在昨日獲解各犯內。其李忠曾否同獲。未據聲明。亦卽查明。如尚未弋獲。立行嚴拏解京審訊。看來臨清從賊之人。諒必不少。當就已獲各犯。追求拏究。至舊城所有居民店戶。若官兵到時。尚與賊同居。此時賊

敗經官兵拏獲者。不可作脅從輕宥。卽訊無助賊抗拒情由。亦當遣發新疆。及烟瘴等處安插。不當復留內地。又孟燦供稱。探得官兵到來時。衆人商量。派五百人在東門外迎敵。又派千餘人往北門外打仗。並據舒赫德奏。豫逃各賊。卽塔灣迎拒之賊等語。計賊一千五百餘。經春寧。音濟圖先後殺死六七百。楊景素殲擒二三百。又鄉民擒解三百。

餘此外賊匪尚有二百餘難保無竄脫之事且前
奏衝橋而過者卽有僞總兵楊壘之名其餘尚有
受賊僞官者俱未可定著舒赫德同楊景素嚴切
查拏凡係逆賊僞官尤不可任其倖免又據奏朱
兆龍名目詰訊賊營各犯均稱實無其人必是王
倫自知罪重希圖捏名混脫無疑等語果不出朕
所料自可無庸再究至音濟圖往拏王倫已經擒

住欲縛。被兩廂突出十餘賊。音濟圖猝不及備。身受刀傷。其紉阿爾圖等八人。亦俱受傷。伊等出力之處。朕已加恩獎賞。但音濟圖前往拏賊。諒不止隨帶八人。當賊衆搶奪逆犯時。豈無人攬護。竟容匪衆傷人搶犯。著舒赫德查明。如有彼時在場並未得傷。不行救護者。卽行奏聞究治。此次逸出之賊。不可不按數查拏。勿使倖逃法網。阿思哈尚應

帶兵各處搜拏務獲。毋任遠颺。但須妥協詳辦。不
可使鄉僻小民。稍有驚擾。其惟一。格圖肯原帶潰
逃之滿漢兵丁。尚有未知下落者。應卽查拏。從重
辦理。

同日楊景素奏言。臣會同正定鎮臣萬朝興。天
津鎮臣永昌。清河道單功擢。督率將兵分佈運
河西岸。連日因大學士舒赫德等搜捕河東甚

太嚴。臣等惟恐賊匪浮水偷逸。所關匪細。晝夜愈
加防緝。但賊因西渡失利。不敢復來。連日止零
星擒獲浮水八人。解送督臣究審。三十日。并聞
太大學士舒赫德等。已獲賊目梵偉。主經隆孟燦
等七人。其首犯王倫業已自焚。臣仍嚴密防堵。
訓聽候行知遵照。現在居民紛紛挈眷還鄉。運道
亦清。糧艘民船。暢行無阻。奏入。

上諭內閣曰。此次逆賊王倫攻擾臨清。其新城居民。隨同地方文武盡力守禦。得以保護無恙。甚屬可嘉。且嬰城固守半月餘。作息經營。不無荒廢生計。未免拮据。前諭該撫查明入告。酌量加恩。今逆匪現已剿除。自應卽敷惠澤。所有臨清新城居民。本年應徵錢糧。已納若干。未納若干。從前有无借欠未完之項。並著楊景素查明奏聞。候朕再降諭旨。

至舊城居民。有甘心從賊。抗拒官兵者。自應同賊
駢誅。其爲賊供役之人。卽未拒敵。亦當分遣新疆
烟瘴。以示懲儆。其與賊混處日久。見官兵一到。卽
行投歸者。准照脅從罔治。已屬寬典。自未便復令
邀恩。惟據楊景素奏。現在居民紛紛挈眷還鄉。此
等自係舊城百姓。聞賊至。卽攜家逃避者。皆係守
分善良。事平後。復還故土。而舊居闐闐。或爲賊匪

焚燒。或因攻賊殘燬。生業蕭條。室廬蕩析。殊堪憫
惻。自應一體加恩。量爲蠲復。又壽張堂邑陽穀三
縣經賊擾害。除現仍安居之戶。無庸查卹外。其賊
匪入城。或人被賊戕。或屋被賊燬。及家計爲賊搶
掠者。亦爲可憫。其應如何分別撫綏之處。並著楊
景素妥速查明具奏。候朕另降恩旨。以示軫恤。該
部卽遵諭行。